

## **Cov lub los ntawm Superintendent Nelson Lub Peb Hlis Ntuj tim 27, 2020**

Nyob zoo tav su rau txhua tsev neeg nyob hauv Fresno Unified!

Hnub no yog hnub kawg ntawm lub lim tiam thib ob cov tsev kawm ntawv raug kaw thiab yog thawj lim tiam uas xeev California tau hais kom txhua tus neeg yuav tsum nyob rau tom tsev. Dua li ntawv lub sijhawm tshiab no yeej nyuaj heev, tabsis peb yuav nrhia kev pab rau peb cov menyuam kawm ntawv thiab peb lub zej zos — xws li yais pua txhiab pluas zaub mov noj, npaj kev kawm rau txhua qib thiab sai sai no, yuav muab laptops thiab tablets rau cov me nyuam kawm ntawv uas tsis muaj. Kuv zoo siab heev, kuv muaj lus uas tsaug rau cov neeg ua haujlwm hauv Fresno Unified uas txaus siab pab rau tej lub sijhawm uas tsis tau pom dua zoo lis no.

Lub lim tiam no, tseem ceeb heev rau peb koog tsev kawm ntawv! Cov xib fwb thiab cov thawj coj tau tawm ntau yam tswvyim los sibtxuas thiab koom nrog cov menyuam kawm ntawv — los ntawm tej yeeb yaj duab, sibtham saum huabcua thiab mus rau cov xibfwb tsav tsheb uake mus saib cov menyuam kawm ntawv. Peb cov neeg npaj noj npaj haus tau npaj thiab yais xws li 40,000 pluas mov noj rau txhua hnub. Peb ntixiv ib qho chaw yais zaub mov nyob rau Birney Elementary. Peb qhov chaw luam ntawv thiab cov neej pab tau luam thiab xa ntau tshaj li ntawm 500,000 pob ntawv qhia ntawv mus rau 19 lub tsev kawm ntawv uas yais zauj mov, qhov no yuav pab cov me nyuam kawm ntawv uas tsis muaj Internet kom lawv thiaj tau kawm ntawv. Peb tabtom pib nthuav peb qhov LCD program, kom muaj cov menyuam kawm ntawv ntau tshaj los siv cov kev pab cuam.

Technology kuj yog ib qho hom phiaj ntawm peb koog tsev kawm ntawv rau ntau xyoo lawm. Peb muaj hmoo, muaj pawg thawj coj saib kev kawm uas tau txhawj peb qho LCD Initiative thiab laptops rau cov menyuam kawm ntawv nyob qib 7-8 thiab qib 9-12. Tau18 lub hlis los no, peb twb muab cov tablets los ntawm qhov LCD Initiative no rau txhua tus menyuam kawm ntawv uas thov siv,.. Peb twb tau siv peb cov laptops nyob rau hauv chaw kawm ntawv nrog rau peb cov menyuam kawm ntawv thiab npaj tias ib ob xyoo tom ntej no yuav npaj kom peb ncav tus qauv "1 to 1 model" – lub ntsiab txhais tias ib lub laptop rau 1 tug menyuam kawm ntawv tau siv hauv chaw kawm ntawv thiab siv tom tsev.

Hais tiag, rhau ob lis tiam los no peb tau hloov kiag txoj kev qhia ntawv, mus rau txoj kev kawm uas uas tsis tas kom peb tuaj sib txoom uake. Peb yuav npaj kom sai thiab kom zoo txgj txij thaum peb rov tuaj kawm ntawv uake dua. Tiamsis, raws li lub sijhawm tam sim no, peb paub muaj ntau yim neeg uas xav tau kev pab sai kiag. Kom tau raws li peb xav, peb pab neeg haujlwm tau siv zog heev tsis tau so lis los npaj kom peb siv tau cov kev peb npaj tseg no coj los sai rau lub sijhawm no.

Tam sim no, peb muaj laptops ntau uas peb tabtom npaj kom muaj cov software zoo es yuav muab mus rau txhua tus menyuam kawm ntawv nyob qib 7-8 thiab qib 9-12 rau li ob peb lub lim tiam tom ntej.

Tom qab ntawd, peb yuav ua tib yam, thiab yuav npaj laptops rau tag nrho peb cov menyuam kawm ntawv nyob qib 4-6. Tej zaum qho no yuav ntev me ntsis – tshwjxeeb yog peb yuav tau mus yuav laptops ntxiv rau lub sijhawm uas tsis muaj thiab yuav siv li 10-12 lub lim tiam. Paub hais tias peb yuav uas kom sai thiab zoo li peb ua tau.

Rau cov menyuam kawm ntawv qib pre-K txog qib 3, peb yuav muaj cov tablet rau txhua tus nyob qib 3 nrog rau ib daim keyboard kom lawv thiaj txawj ntau ntawv. Tam sim no peb muaj 15,000 lub tablet rau cov menyuam kawm ntawv nyob elementary thiab peb tshuav 9,000 lub. Peb yuav npaj kom cov me nyuam kawm ntawv tsis muaj tablet tom tsev yog cov yuav tau txais ua ntej.

Txoj kev peb npaj kom raws tus qauv 1:1 no, nws txhais tau tias txhua tus menyuam kawm ntawv nyob qib plaub txog qib 12 yuav tau txais ib leeg ib lub laptop los ntawm hauv paus tsev kawm ntawv thiab txhua tus menyuam kawm ntawv qib pre-K txog rau qib 3 yuav muaj ib lub tablet. Kuv tsis tau pom dua ib qho hauj lwm uas hnyav heev npaum lis no thiab cov neeg uas yuav muaj siab tawv los npaj kom qhov no tshwm sim rau peb cov me nyuam kawm ntawv.

Ob lub lim tiam tom ntej no cov tsev kawm ntawv yuav hu cuag cov menyuam kawm ntawv kom seb lawv puas muaj kev pab cuam mus muab kev kawm online los kawm vim peb nyob rau lub sijhawm kawm ntawv lis no. Peb yuav qhia yam tshiab raws li peb paub rau nej, tiam sis, peb xav kom nej ua siab ntev thiab zam pub rau peb rau lub sijhawm no, thiab thov nej mloog ntsoov txog rab xovtooj, email, los yog ntawv sau rau nej lub xovtooj ntawv tes los ntawm nej lub tsev kawm ntawv.

Pib lub 4 hlis tim 1, kuv yuav nrog peb pab thawj coj saib kev kawm koom lub rooj sib tham thawj zaug nyob online. Los ntawm peb kev siv zog yog ua qauv zoo txhawb rau nyob sib nrug deb tiv thaiv sib kis kab mob COVID-19, peb yuav tham txog tias tej zaum peb yuav tau kaw tsev kawm ntawv lub 4 hlis tim 14 txog ntua lub 5 hlis tim 3. Peb yeej paub tias yuav nyuaj heev rau cov menyuam kawm ntawv, cov ua haujlwm thiab lub zej zog. Qhov no yeej txiav txim tsis yooj yim kiag li. Pab thawj coj saib kev kawm nrog rau kuv, ntseeg tias qhov no yog ib yam tseem ceeb los tham qhib lug rau zej zog, kom laj mej pejxeem ho tau nrog muab tswv yim thiab tawm suab. Thov nej saib [cov txheej txheem](#) qhia txog seb yuav xa nej tej lus tau licas tuaj rau peb.

Kuv xav txhawb kom nej mus saib [www.fresnounified.org](http://www.fresnounified.org), uas yuav qhia txog cov xov tshiab rau thaum cov tsev kawm ntawv raug kaw, cov chaw yais zaub mov noj, cov kev kawm ntawv, thiab pawg neeg saib kev kawm lub roob sibtham lub lim tiam tom ntej no. Ua tsaug rau nej txojkev txhawb zog rau lub sijhawm peb lub hauv paus tsev kawm ntawv tau ntsib tej yam uas tsis tau muaj dua lis no. Xav kom nej tsuas nyob nyab xeeb thiab ntsib kev noj qab nyob zoo!